

661.3453

665
13

卷之十二

藝文志上

詩 賦

商城縣志

商城縣志卷之十一

知商城縣事榮河武開吉纂修

藝文志上

詩

賦

志以事作非如後世文選博采諸家彙輯衆體侈鴻製也然取古者十五國風八國國語以及晉乘楚檇杌與夫各國春秋之旨繹之則列國史書與其聲詩文誥相輔而行在昔非無其例所謂文獻互徵貴實不貴文也舊志採錄甚夥百餘年間文人學士著作實繁以富茲廣爲蒐羅仍復嚴爲棄取其有關於山

川建置者錄之有關於國計民生者錄之上而典禮
學校下而人物風土苟與邑無與雖佳不入良以軒
輶之採太史之陳自邑乘始蓋其慎也省志云靡麗
荒唐之辭謂之空言空言無補不錄可也其詩謬疏
奏傳記碑文仍依舊次而祥異附焉作藝文志

詩凡二百五十六首

留寄黃檗山妙湛禪師

宋張元幹

晨發薊城越數峯我來幽出失從容白雲遮日蔽秋寺青
嶂聞猿驚暮鐘世亂可無閑地隱山深偏覺老僧慵他年

芋火談空夜雪屋松窻約過冬

游銅井山

明
盧熊

行春入銅山披榛訪苔碣展席具琴尊
譚詩惕林樾溪柳漸生黃谷鶯未調
舌文漪細含風小梅清映雪眷彼素心
人寒香不堪折

暮春射獵銅井山中

劉繪

風落谿囊河柳青烟消火井澗花零片
月掛處掩銀鏡雜雲飛來披繡屏繡屏
開翠帳起畋兒搖鋏山凝紫罽維彩
霧中雕騎香埃裡古冶裂元熊中黃批
文兕草頭一點鳴

鏑來蛇弓抱月虎筋開紅帕蓋馬養由去白羽摧風蒲子
回手柔弓燥花間騁灑毛濺血金鞍冷崖前錦雉墮飛翎
天邊白雁無留影更有雄鷹據上鞦白雀黃顙月兔愁月
兔愁素霓收春星散林壑夜渚帶山樓樵童牧豎歡相顧
野魅封狐嗔不留竹籬層結臨丹壁旋旆笙歌縵川澤解
腥蟠豹醉獵徒卧夢長揚子虛客

題三教洞

劉黃裳

窠窠南山陞霍靡映蒼紫矯彼東奔岑懸磬張旖旎桂樹
何團團白石何齒齒始悟太易因元氣含不止渾然水土

精轉此火風裏神人吹成之虛無一竅耳山澤自相通華
滋滴石髓文豹守雲關應龍卧金水二氏非數倫聖儒亦
不已嘗觀天載篇聲臭俱無矣古人將無同誰能決真理
安得圓機人相與論斯旨

春日登霸王臺

王穉登

蓋世雄圖歆千秋戍壘存雲屯原此地草鞠已荒村宿莽
經寒曉平蕪帶雨痕誰憐爭戰處日暮有啼猿

憶君子亭有感文受寰司馬

進士
周之綱

邑人

城南雲樹鬱蒼青君子名題舊有亭
蔣詡留園無韻客王

南坡集卷之十一
三
猷看竹已空庭松筠久閉孤岩月花鳥閒愁傍水汀譙笑
當年思北海蕭條今日幾晨星

游鐵佛寺

周之綱

東南名利無多寺不到珠林逾廿年白髮蒼顏仍杖履青
松綠竹共盤旋僧寮冷落供齋鉢蓮座清涼淨法筵從此
招尋常結侶河橋堤柳醉雲烟

周司馬公令姪封公姪孫孝廉瑞明北園飲泛晚眺
城上作

葛一龍

太傅姬歌康樂酒辟疆園綰孝廉船迷花不信爲今日問

竹會過是去年地僻曲周村落水氣芳長養蔚藍天獨留
明月歸來看城北城東萬井烟

由黃檗再登獅峯

禮部儒官周詔邑人

紆折攀藤上凌空逼太清鳥隨殘照没人撥亂雲行乍到
逢秋晚重來遇雨晴千峯天外矗一水月邊明瀑瀉疑龍
嘯石蹲訝虎迎崎嶇踰萬仞境不碍心平

同人遊紫雲山

周詔

朝來結伴渡溪遊步入層嵐最上頭一塢雲飛孤寺冷三
邊天淨萬山秋閒情牽我芒屨破野趣邀人竹杖留牧笛

數聲林外渺綠波紅葉兩悠悠

商城道中

王瓊

山城初過雨秋氣正蕭森
村牕雲垂野園空葉墮林
皇華行部使白髮故鄉心
四境流逋甚蒼生慮更深

題霸臺

進士彭滋
邑人

百步城南土一邱英雄會此抗諸侯
鴻門客散謀還左玉帳人空業竟休
鶴唳猶疑吹鳳策雲屯尙想擁貔貅
荒殘遺跡斜陽外只有寒鴉叫暮秋

紀適劉氏姊苦節

贈廸功周汝夷
邑人

姊心清白如海水涵水無情姊夫死姊身不卽沉涵流翁
姑耄耄夫無子立嗣藉以慰高堂課子能令遊膠庠可憐
嗣子復夭折童孫呱呱繞膝旁和丸畫荻卜德隣更撫藐
諸孤成人松節冰操蓮心苦兩世鞠育六十春至老五夜
機軋軋淚滴杼柚漬痕新

黃豫恬廬墓

周汝奭

孤墳三尺冷荒原孝子依親漆室存心折慈烏惟有恨感
深寸草總無言音容難返悲風木笑語如聞哭夢魂霜露
年年哀淚竭此衷千古慕椿萱

魚樂園二首

進士王俊邑人

季子高風在爲園似綠天何妨近塵市聊以當深谿引盼
惟雲樹相隨祇簡編遙知風雨夜有客在前川

桃李羞春艷幽情但種蕉藉青時作簞飲綠每充瓢拭淚
看先鼎留人解佩綃深懷方用世大隱不須招

東岡夕照

歲貢周鳴臯邑人

霽色初收日漸沉斜陽影射映東林燕衝霞落身披錦鵲
閃暉殘背負金一派溪明波蕩漾千山雲暗氣蕭森憑高

觸目昏烟起城郭聲聲響暮砧

三教古洞

周鳴臯

一滴清流出洞門
孤筠撥霧覓山源
鳥啼古樹花迷徑
鶴立蒼苔石作垣
丹鼎風來飄藥氣
仙邱雨過洗雲根
盤桓漸覺寒侵骨
萬壑煙生日未昏

鞍山雨信

周鳴臯

石燕高飛雲萬重
雲根似與老龍通
須臾定許傾蛟室
早夜應知滴馬驄
喜到作亭來韻客
忙將問笠走春農
遙看不爲晴嵐卜
好擬巫山第幾峰

獨峰留雪

周鳴臯

絕巘憑虛皜影彰獨餘積素襯曦光羣峰已露蒼苔色孤
嶂常存碧玉妝瓊屑堆松猶偃翠冰花覆石未生香偶瞻
偏覺寒梅發十月先從嶺上芳

梁堰澗雨

周鳴臯

古堰通流接巨淵由來過水灌蛙田晴空色映看平浪雨
潤光沉却帶烟日落灘頭栖宿鶯月明堤口度啼鵲遊人
不解蛟蜃室妄擬相呼作異川

黃豫恬孝子廬墓詩

諱榮

中丞

楊惟鉞

邑人

鵲啼塚上夜孤影月徘徊落木淒三易愁腸斷九迴淚飛

黃雨濕目送白雲哀今古猶難盡憂懷常似猜

贈黃豫恬先生廬墓詩

中丞

楊斯修

邑人

草廬秋到壓霜痕
語笑追尋夢裡吞
雲白戶封迷遠近
楓丹淚落失朝昏
魂依尺土忘生事
心戀喬松憶舊恩
深夜麻衣如鐵冷
聲哀和月逗荒村

過紫芝山劉元子故居

彭滋

重過楊雲宅山桃老著花
其如高士去佇立夕陽斜
竹已荒三徑書應散五車
洞天非寂寞何計駐年華

東岡夕照

黃文明

邑人

萬井烟含遠望中東岡林木擬楓紅簾疎映水碧天捲閣
起穿雲紫燕獅草色霞飛光燦爛花光日照影玲瓏城頭
搖落殘暉盡幾處鐘聲暗度風

商原春草

黃畿

邑人

踏春遲迤出西灣青史白雲却共聞芳草王孫何處是獨
留孤塚在商川

紀黃豫恬廬墓

馬三才

杳闌荒山遠三年孤塚前風聲聞唳鶴木葉響啼鴉目送
白雲斷淚含紅雨漣史人常有意獨此若青編

前題

葉興相

寂寞草廬夜深山餘一身風悲惟有日木落那知春燈影
淒星月莪聲泣鬼神名垂青史在不染百年塵

前題

卜陳善

孤塚人烟少寒燈獨伴眠白雲盈望眼黃葉斷荒川木落
鵲啼夜風淒鶴唳天蒿莪何忍讀揮淚脩三年

前題

李之根

常思不見處日對白雲深幾變星霜眼難移風木心烏啼
淒野哭燈影落孤吟寂寞空山外麻衣冷欲侵

前題

黃際明

獨望深山落木多，三秋目斷白雲過。
風聲不與愁思靜，夜夜調刁閒讀我。

贈孝儒隱居得令子

李文彩

空山曾見白雲橫，荒草淒淒野鵲鳴。
思盡天長風木老，涕殘夜永鬼神驚。
孝名未許功名薄，才子偏爲孝子生。
千古忠臣門內出，百年史冊著芳聲。

金剛古寨

國朝刑部
侍郎 熊奮渭 邑人

嶽嶽歷亂聳崑崙，阿壁壘空傳舊日多。
苔蔓飄殘餘瓦礫，烽